

醫方彙編

四



醫方集宜卷之三目錄

內傷門 附內挾外感

瘧門

痢門

泄瀉門

嘔吐門

霍亂門

脾胃門

腫滿門



膈噎門

欽定門

關格門

嘈雜門

卷三總目終

醫方集宜卷之三

內傷門

病源

飲傷 食傷 勞倦傷 內傷挾外感

形證

經曰水穀之寒熱感則害人六腑又云飲食自倍腸胃迺傷夫飲者水也因而大飲則氣逆形寒飲冷則腸肺爲病喘而腫瀉也治當開鬼門潔靜腑使上下分消焉食者物也因而飽食筋脉橫解腸僻迺痔若



食停滯而不化爲病惡心噫氣作酸嘔吐胸中痞悶
作痛不食此食傷也宜消導焉有所勞倦喜怒不節
起居不時皆損其氣氣衰則火旺火旺則乘其脾土
脾主四肢故四肢困熱無力懶於言語動作喘乏身
熱自汗心煩不安此勞倦廼傷其氣也當病之時宜
清心靜坐以養其氣藥用甘寒瀉火甘溫補氣經曰
勞者溫之損者補之正此謂也或有內傷挾外感者
先因喜怒飢飽勞役以傷其中復因外感風寒則身
重拘倦口苦頭眩鼻塞此名內傷外感之病當以補

中益氣湯隨症加減以治之蓋人賴飲食滋味設或不調脾胃虛矣當補不當瀉也多以飲食勞役中虛不足之症認作外感風寒有餘之疾而用仲景之法重瀉重表使榮衛皆虛死在旦夕所以差之毫釐謬以千里臨病之際宜分辨焉

脉法

東垣云氣口脉大於人迎爲內傷訣曰氣口緊盛傷於食右脉大而無力爲氣虛此元氣不足之脉也

治法

丹溪云東垣內外傷辨甚詳世人內傷者多但有挾
痰者挾外感者當用補中益氣湯隨症加減以治
之 戴云內傷重而外感輕先宜補益而後發散
外感重而內傷輕先宜發散而後補益

一飲食失節形神勞役損傷元氣身熱自汗頭疼虛
煩惡寒無力氣高而喘宜用 補中益氣湯

一飲食不調勞役所傷腹滿短氣過春則口淡過夏
雖熱猶惡寒飢則常如飽不喜飲食宜用 升陽
順氣湯

一勞發病其症發熱惡寒身倦疼困懶言惡食此因
內傷勞碌而作也宜用 發勞散卽補中益氣湯
合 人參敗毒散 或五積散

一因飢困勞役飢體發熱煩渴引飲目赤面紅脉大
而虛按之全無經曰脉虛血虛廼血虛發熱症象
白虎惟脉不長實爲異勿服白虎宜用 當歸補
血湯

一脾胃氣虛怠惰臥四肢不收秋燥濕熱體重節
痛口苦舌乾飲食無味二便不調洒淅惡寒廼陽

氣不伸宜用 升陽益胃湯

一素飲酒成積腹中作痛下利黃沫腰腿痠麻胸膈

膨悶宜用 神妙列仙散 四製黃連丸 治酒

積腹痛下痢黃沫并積熱腹痛

一飲酒大醉後小便不利心煩作嘔宜用 五苓散

加乾葛 砂仁 以上下分消其濕

一酒客傷飲嘔惡吞酸頭疼拘倦宜用 葛花解醒

湯

一傷食惡食胸中飽悶惡心酸臭宜用 丁香爛飯

丸 麴蘗枳朮丸 消食化氣散 寬中進食

一飲食傷損脾胃陰陽不和嘔逆腹痛吞酸宜用

豆寇橘皮

一生冷硬物傷損脾胃不能尅化心腹悶痛宜用

木香見睨丸 消食丸 化滯丸

附內傷挾外感

世人之疾外感內傷病之關鍵外感仲景之法內傷東垣之論詳且備矣至如內傷挾外感未有言之者也況人病此者多有挾外邪者有挾痰者有挾熱鬱

而發者，以補元氣爲主，看所挾而兼用藥以調之。

一內傷挾外感者，則於補中益氣湯內，春加川芎。

防風、荆芥、芍藥、麻黃之類，夏加葛根、石膏、薄荷。

黃芩之類，秋加蒼朮、羌活、防風之類，冬加桂。

枝、附子、麻黃之類。

一內傷挾火鬱而發者，宜用補中益氣湯，加半。

夏竹瀝、姜汁之類。

治方

補中益氣湯 治飲食勞倦傷損元氣，身熱自汗，頭

疼惡心四肢無力氣高而喘

黃芪 人參 白朮 當歸身 甘草 柴胡

升麻 陳皮 水二鍾煎八分不拘時服 如作

渴加乾葛 嗽加麥門冬 去心 五味子

升陽順氣湯 治飲食勞役所傷腹滿短氣口淡惡

寒飢不欲食

升麻 柴胡 黃芪 半夏 甘草 陳皮 人

參 神麴 當歸 黃栢 草豆蔻 水二鍾

姜三片煎八分不拘時服

發勞散 卽補中益氣湯 合人參敗毒散 或五

積散 方見寒門

神妙列仙散 治飲酒成積下痢黃沫腹中作痛

木香 沉香 各一錢 茴香 炒 各一錢 檳榔 各一錢 篇蓄 三錢 大

黃 一兩微焙炒 麥芽 一兩五錢 瞿麥 五錢

四製黃連丸 治酒積腹痛下痢黃沫并積熱腹痛

用川黃連一斤 四兩用酒煮 四兩用砂仁煮

四兩用吳茱萸煮 四兩用姜汁煮 右四分煮

後炒乾去砂仁茱萸不用只將黃連爲細末姜汁



糊丸如桐子大每服六十丸空心滾白湯送下

葛花解酲湯 治酒客傷飲嘔惡吞酸頭疼拘倦

白豆蔻 砂仁 葛花 木香 青皮 陳皮

白茯苓 猪苓 澤瀉 人參 白朮 神麴

水二鍾姜三片煎八分不拘時服微出汗

丁香爛飯丸 治食傷脾胃胸膈悶疼嘔吐不食

丁香皮 甘草 炙各三錢 砂仁 三錢 益智仁 三錢 香附

子 五錢 甘松 二錢 丁香 三稜 火炮 木香 廣朮

各一錢 伍分 右爲細末湯浸蒸餅和丸如桐子大每服

三十丸滾白湯送下

麴蘖枳朮丸 健脾胃寬胸消宿食

白朮 枳實 神麴 麥蘖麴 右爲細末用荷

葉包飯火煨爛搗膏和丸如桐子大每服五十丸

溫水送下

消食化氣散 治飲食後氣不調順胸膈飽悶作酸

青皮 陳皮 蘿蔔子 蓬朮 三稜 神麴

麥芽 枳壳 半夏 枳實 香附 檳榔 山

查 草菓 甘草 水二鍾姜三片煎八分不拘

時服

寬中進食丸 治食傷脾胃飽悶惡心不思飲食

神麴

四錢

甘草

一錢

木香

五分

草豆蔻

五錢

枳實

四錢

半夏

七錢

人參

一錢

乾生姜

一錢

青皮

一錢

陳皮 白朮

白茯苓

澤瀉

各二錢

猪苓

一錢

砂仁

一錢五分

麥芽

一兩

爲細末湯浸蒸餅和丸如桐

子大每服三四十九米湯送下

木香見睨丸

治傷生冷硬物不能尅化心腹悶疼

巴豆霜

五錢

京三稜

火炮一錢

神麴

炒一兩

木香

二錢

香



卷三

附子 五錢 石三稜 火炮 五錢 升麻 三錢 柴胡 二錢 草豆

寇 用麵裹 炮五錢 爲細末湯浸蒸餅和丸如菜豆大每服

二十九滾白湯送下

瘧門

病源

有風 有暑 有食 有痰 有虛 有邪 有瘧

母

瘧病何爲而致也經曰夏暑已甚腠理空虛風暑之邪乘虛而入秋陽復收兩熱相攻此瘧之所由生也

